

LAI SIANGTHO HOLIM NA

Volum. 6

Rev: Suan Khan Thang (Mualpi-Tonzang)

Motto: Matthew: 18:20

Date: 20/ 1/ 2013

Eite gal do pen, huih lak ah aom uk na thuneih na a neite,
lei tung khuamial uk te.... Efesa 6:12.

KHA GALDO NA

Gal dona pen leitung bek ah a omhilo in vantung ah Pasion leh a bawlsa te kikal ah a om khin sa a hi hi. Nang khuavakta Zingsol Babylon kumpipa aw vantung panin bang ci kiat na hi hiam? Mi namte a niam koihpa a hi nang mah leilak dongah hong bang kici phuk pai a hi hiam? Nangin na lungsim sungah a sang na mun Pasion aksi te tung pekah ka kumpi tokhum ka koih dingaa.... Isaiah 14:22, Mangmuhna 8:10. Ki liatsakna kiphatsak na ei leh ei hi ki sak luatna panin ki lemlohna, kilemlohna panin ki dona a piang to to hi.

Leitung galkidona ih et ciangin zong, leitungbup galpi masapen United Kingdom, France, Russia leh Germany, Austria-Hungary, Italy te a hi uh hi. Tua pen a mau ki phatsakna, Huai hamana, Minam vai ah ki liat sak luatna hang ki dona a piang to to hi. Galpi nihna ciangin Adolf Hitler a khan ciangin Galpi nihna ma kai in leitung bup vut leh vai suak sak hi. Bek thamlo in Jews mite a cii beisiat dingin vai hawm hi. Ahasueras kumpipa hun lai in Haman in zong Jews mite a cii bei dingin na vai hawm hi. Pasionin mi cii bei na dingin deih loh a hih manin, Haman leh a inn kuan pihte singtung a ki khailum hi Esther3:1-10. Adolf Hitler zong gal le in si hi. Germany gam na ngawn in ki phelkchap lawh hi.

Tu ni ih holim nopna ah mihing te tawh kidona hilo in huihlak leitung khuamial ukte. Leitung mit tawh ki mu theilo na pi a om sit set, thu lah a nei zo pha mah mah kha te tawh ki dona a hi hi. Khualam ah lo kho singpua pawl khat te gul le mihing ki ngai, cik dawu peuh tawh ta khawng nei, mual dawn lak a kha te, gun dawu, dawu meide, sumbung cih khawng kha a tuam tuam om hi.

Koi koi ah ih om zongin ih gal do dan dingpen namsau te, gal thau hoihte hiloin, thungetna, antanna, kha la sakna, Praise and Worship, lai sing tho simna, lungsim tawh tawngaloin Laiiangtho kammal simna a hi hi. Tua te tawh gal do ding hi hang. Pastor pa Pastor nu te ciang bek in a mui bun tuan deuh hilo hi. Nang zong na lung sim sung lunggulh takpi na tawh piangsak Pasion kiang ah thungen in kha gal do le cin hong gual zawh pih ding hi.

Gal omna camp thupi te zawh na dingin lung sim pilvang na zat kul hi. A gal van zong a namkim thau tom, thau sau, thau lawng vang neu, thau lawng vang gol a tang puak kham aa, a tang leng ki tam sawn sawn te, puak kham napi a ging kiza lo te, van lam ngim aa ki lawn te, galte omna a mun mutel lopi gal kap theihna, gal te anguai kipuakna khak tan sakding, galte upmawh loh laitak, bing phut ding cih dan, lampi tuam tuam te zat kul hi.

Ih gal do ding pen hua pek aa om hi tuanlo in ei kiang mah om pah hi. Ih sawn na ih ngaih sut na teng zong ih gal pa in a na theih sa hi. A hi zongin Pasion sawl tak Khahasiangtho pan pih na leh kha siang tho hong piak khuak zat theih tawpin zat kul hi. Tuni in nakam tuam tawh Topa kiang ah ki ho zel in, nakpi in zangin thu um lo mite in hong mu aa mihai pa, mi hai nu ci aa mi hai hontang hong cih leh zong pha mawh kei. Pasion min hang a mi hai na tan khak leh hampaha lua teh. "A hi zongin Pasion thugen (Prophecy) lai tak un..... a zak uh thu te hangin a mawhna te uh ki phawkin lung sim sunga a ip cip te ki pho lak ding hi. Icor 14:24-25.

Salan la a pawl pawl te tawh "Speak to one another with Psalms, hymns and spiritual songs" Ep5:19. ci hi. Gal hiam labu aa Sia Thawngkim la te Lengtong Pauno la te, Sia Davidkham ii Praise and Worship la te, Zomi laphuak siamte la te zong zomite spiritual song a hi hi. La sakna music tum na te hangi in Saul kumpi pa tung pan in satan tai khia ci hi. Salan la a pawl pawl te a cih ciangin key te, solfa te ki bul lo aa, a sapa ii lungsim sung aa a suak bang bang sak khiat na Khala te a hi hi. Zion la, Salan la ih cih te pen mikim in ki sa thei nailo hi. Tua a hih manin ei phak na tan tan galvan a hi galhiam la te tawh gal ih do zel ding hi.

"Tua a hih ciangin kawng gak bangin thumanthutak zangin la awmdal (Bulletin prove jacket) bul bangin thuman zanginla booth bulh bangin lung dam na thu hilh khia dingin ki ging in, dawu mangpa hongkapna thaltang kuangte na nan zawhna dingin lumpuak bangin upna na nei tawn tungin. Sik lukhu khuk bangin hot khiatna nei un la namsau zat bangin Khasiangtho Pasionthu na zangin Ep6:14-17.